

NANTUCKET

Somentes era un núcleo no que incidía a luz,
mais que, porén, mudaba as súas cualidades.
Abaixo, nas cabanas, o trafego decote
a vida que avantaba. Entón se dexergaron
dúas asas rotundas e dous voos silandeiros.

Houbo berros despois, trementes alancadas,
e a gamela sucando o seu ronsel, e a illa
alí, agardando queda, e no areal, a furna
e na furna, enchoupado nas augas, o esqueleto,
e nun punto intermedio de chafariz e augas
a axexante Balea sorrindo raposeira.